

BOSNA I HERCEGOVINA

VIJEĆE MINISTARA BOSNE I HERCEGOVINE

**KOMISIJA ZA REGISTRACIJU OZNAKA PORIJEKLA, OZNAKA
GEOGRAFSKOG PORIJEKLA I DODJELU OZNAKA GARANTIRANO
TRADICIONALNOG SPECIJALITETA PREHRAMBENIH PROIZVODA U BOSNI I
HERCEGOVINI**

I Z V J E Š T A J

**o radu Komisije za registraciju oznaka porijekla, oznaka geografskog porijekla i
dodjelu oznaka garantirano tradicionalnog specijaliteta prehrambenih proizvoda u
Bosni i Hercegovini za 2023. godinu**

Mostar, januar 2024. godine

IZVJEŠTAJ

o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2023. godinu

Na osnovu odredbi *Pravilnika o sistemima kvaliteta za prehrambene proizvode* („Službeni glasnik BiH“, broj 90/18), na prijedlog Agencije za sigurnost hrane Bosne i Hercegovine (u daljnjem tekstu: Agencija), u saradnji s nadležnim organima entiteta i Brčko distrikta Bosne i Hercegovine, Vijeće ministara Bosne i Hercegovine donijelo je *Odluku o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 84/19).

U skladu s članom 6. *Odluke o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 84/19) Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini (u daljnjem tekstu: Komisija) podnosi godišnji izvještaj o radu i stanju u oblasti iz svoje nadležnosti direktoru Agencije koji ga dostavlja Vijeću ministara Bosne i Hercegovine na usvajanje.

Komisiju čine predstavnici sljedećih institucija:

- Agencija za sigurnost hrane Bosne i Hercegovine,
- Ministarstvo vanjske trgovine i ekonomskih odnosa Bosne i Hercegovine,
- Federalno ministarstvo poljoprivrede, vodoprivrede i šumarstva,
- Ministarstvo poljoprivrede, šumarstva i vodoprivrede Republike Srpske,
- Odjel za poljoprivredu, šumarstvo i vodoprivredu Brčko distrikta Bosne i Hercegovine,
- Federalno ministarstvo trgovine i
- Ministarstvo trgovine i turizma Republike Srpske.

Predstavnik Agencije je ujedno i predsjednik Komisije.

Postupak za registraciju oznake porijekla, oznake geografskog porijekla i oznake garantirano tradicionalnog specijaliteta pokreće se zahtjevom koji se podnosi Agenciji, a isti provodi Komisija. Komisija obavlja poslove u skladu s poslovima i zadacima određenim *Pravilnikom o sistemima kvaliteta za prehrambene proizvode*, kao što su:

- razmatra zahtjeve za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda i predlaže Agenciji donošenje rješenja o registraciji oznake;
- razmatra pristigle prigovore;
- predlaže dopunu zahtjeva za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda;
- razmatra zahtjeve za naknadnu izmjenu i dopunu specifikacije prehrambenog proizvoda;

- *razmatra zahtjeve za pravo upotrebe registrirane oznake porijekla, oznake geografskog porijekla i garantirano tradicionalnog specijaliteta prehrambenog proizvoda.*

U toku 2023. godine Komisija je održala jednu sjednicu, dok su se o ostalim pitanjima članovi izjašnjavali elektronskim putem, a na način kako je to definirano *Poslovníkom o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* (broj: 01-1-02-3-1651-2/19 od 23.01.2020. godine). Na osnovu odredbi *Odluke o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 84/19), po okončanom postupku zaštite porijekla, ili zaštite geografskog porijekla, ili zaštite oznaka garantirano tradicionalnog specijaliteta prehrambenih proizvoda, članovi i sekretar Komisije, pod uslovom da su učestvovali u provođenju postupka imaju pravo na novčanu naknadu.

U izvještajnom periodu Komisija je razmatrala sljedeće zahtjeve:

- *Zahtjev za registraciju oznake garantirano tradicionalni specijalitet „Krajiški omač“ i*
- *Zahtjev za registraciju oznake garantirano tradicionalni specijalitet „Krajiška trahana“.*

Nakon što je Komisija izvršila stručnu provjeru navedenih zahtjeva, Agencija je iste na prijedlog Komisije prihvatila, te su obavještenja o zahtjevima za gore navedene prehrambene proizvode objavljena u „*Službenom glasniku BiH*“, broj 20/23, dok je proizvođačka specifikacija istih objavljena na službenoj web stranici Agencije.

U skladu s odredbama *Pravilnika o sistemima kvaliteta za prehrambene proizvode* („*Službeni glasnik BiH*“, broj 90/18), od dana objavljivanja obavještenja o zahtjevu u „*Službenom glasniku BiH*“, počinje rok, u trajanju od dva mjeseca za objavu obrazloženog prigovora na objavljeni zahtjev. S obzirom da, u za to predviđenom roku, na navedene zahtjeve nije bilo podnesenih prigovora, Komisija je jednoglasno dala Agenciji prijedloge za donošenje rješenja o registraciji za gore navedene prehrambene proizvode.

U skladu s navedenim, u izvještajnom periodu, Agencija je donijela:

- Rješenje o upisu u Registar garantirano tradicionalnih specijaliteta **OZNAKE GARANTIRANO TRADICIONALNOG SPECIJALITETA (GTS)** prehrambenog proizvoda „**KRAJIŠKI OMAČ**“, Strukovnog udruženja „**STARI - NOVI OKUSI**“ i
- Rješenje o upisu u Registar garantirano tradicionalnih specijaliteta **OZNAKE GARANTIRANO TRADICIONALNOG SPECIJALITETA (GTS)** prehrambenog proizvoda „**KRAJIŠKA TRAHANA**“, Strukovnog udruženja „**STARI - NOVI OKUSI**“.

Rješenja za navedene prehrambene proizvode su objavljena u „*Službenom glasnik BiH, broj 46/23*“, dok Agencija vodi registar prehrambenih proizvoda zaštićenih oznakom porijekla, odnosno registar prehrambenih proizvoda zaštićenih oznakom geografskog porijekla, kao i registar garantirano tradicionalnih specijaliteta.

U toku 2023. godine, Agenciji je podnesen Zahtjev za registraciju oznake geografskog porijekla prehrambenog proizvoda „LIVANJSKI SIR“, Udruženja za zaštitu porijekla Livanjskog sira na nivou Evropske unije. Komisija je razmotrila navedeni Zahtjev, dala svoju saglasnost, nakon čega je Agencija, u skladu s odredbama *Pravilnika o sistemima kvaliteta za prehrambene proizvode* („*Službeni glasnik BiH*“, broj 90/18), isti dostavila Evropskoj komisiji.

U ovom Izvještaju Komisija je dala presjek realiziranih aktivnosti u oblasti registracije prehrambenih proizvoda oznakama porijekla, geografskog porijekla i garantirano tradicionalnog specijaliteta u Bosni i Hercegovini, u toku 2023. godine.

Ovaj Izvještaj sačinili su članovi Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini i isti dostavili Agenciji s prijedlogom da se Izvještaj dostavi Vijeću ministara Bosne i Hercegovine na razmatranje i usvajanje.

Polazeći od naprijed navedenog, predlaže se Vijeću ministara Bosne i Hercegovine, da nakon razmatranja Izvještaja o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2023. godinu donese sljedeći:

Z A K L J U Č A K

- 1. Usvaja se Izvještaj o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2023. godinu.*